



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iohannis Scheffleri S. R. Eccl. Presbyteri Concilium
Tridentinum antè Tridentinum**

Angelus <Silesius>

Nissæ, 1675

Articulus Decimus. Purgatorium esse, Preces pro defunctis rectè fieri.

urn:nbn:de:hbz:466:1-42264

Articulus X.

Articulus Decimus.

Purgatorium esse, Preces
pro defunctis rectè fieri.

Verba Concilij.

*Constanter teneo Purgatorium
esse, animasque ibi detentas fide-
lium suffragijs adjuvari.*

S *Anct: Dionys Areopag. de Eccl.
Hierar: cap 12. Deindè acce-
dens Divinus Antistes ipsi mor-
tuo sanctè precatur. Precibus
quidè à Divina benignitate con-
tendit, ut cuncta dimittat per in-
firmitatem humanam, admissa
peccata defuncto, eumque in lu-
cem ac regionem vivorum, in
sinus Abrahamæ, Isaac, & Jacob de-
ducat. Et post: Quod autem &
N 3 justo-*

Concilij Trid: antè Trident:

justorum bonorúmque preces etiam in hac vita, ne dum post mortem, ijs solùm profint, qui digni sunt sacris precibus, Scripturarum nos edocent veræ traditiones.

S. Clemens Constit. Apostol. l. 8. cap. 41. Oremus pro fratribus nostris, qui in Christo requierunt, ut DEUS summæ erga homines charitatis, qui animam defuncti suscepit, remittat ei omne peccatum, &c.

Liturgia S. Iacobi Minor. Memento Domine DEUS spirituum & universæ carnis, quorum memoriam egimus, & quorum non egimus, ac rectè de fide sentientium, ab Abel justo usque in hodiernum diem: fac eos requiescere in regione viventium, in regno tuo, &c. Simi

Articulus X.

Similia habentur in Liturgia
S. Matthæi, & S. Marci.

Tertullian. l. de coron. mil: c 3.
Oblationes pro defunctis annuâ
die facimus.

Origenes homil. 6 in Exodum,
& homil. 14: in Levit. accipit il-
lud S. Pauli 1. Cor: III. 15. d. Pur-
gatorio. Posterior locus paulò lon-
gior est, ut hic adscribere placeat:
prioris verò verba sic habēt: Qui
salvus fit, per ignem salvus fit, ut
si quid fortè de specie plumbi
habuerit admixtum, id ignis des-
coquat & resolvat, ut efficiantur
omnes aurum bonum.

Idem l. 8. in Epist. ad Rom. c. 11.
Qui verò verbi DEI & doctrinæ
Evangelicæ purificationes spre-
verit, tristibus & pœnalibus pu-
rificationibus semetipsum refer-

Concilij Trid antè Trident:

vat, ut ignis gehennæ in crucia-
tibus purgetur, quem nec
Apostolica doctrina, nec Evan-
gelicus sermo purgavit: secun-
dum illud quod scriptum est.
(Num: 31.) Et purificabo te igni
ad purificationem. verum hæc
ipsa purgatio, quæ per poenam
ignis adhibetur, quantis tempo-
ribus quantisque sæculis de pecca-
toribus exigat cruciatus, solus
scire potest ille cui Pater omne
judicium tradidit.

*S. Cyprianus Epist. 52. ad Anto-
niam.* Aliud est ad veniam sta-
re, aliud ad gloriam pervenire:
aliud missum in carcerem non e-
xire inde, donec solvat novissi-
mum quadrantem, aliud statim
fidei & virtutis accipere merce-
dem: aliud pro peccatis longo
dolo.

Articulus X.

dolore cruciatum, emendari & purgari diu igne, aliud peccata, omnia passione purgâsse.

Lactant. Firmian. lib. 7. div. instit. cap 21. Sed & justos cum judicaverit, etiam igni eos examinabit. Tum quorū peccata vel pondere, vel numero pravaluerint, perstringētur ab igni atque comburentur. Quos autem plena justitia & maturitas virtutis incoxerit, ignem illum non sentiēt.

S. Athanasius quest. 34. ad Antioch. Num sentiunt aliqua beneficia etiam peccatorū animæ, cū super illis fiunt, & per actiones bonorum operum, & oblationum? Si non aliquo beneficio participarent ex illo, non utique in cura & exequijs fieret commemoratio. Ac sicut vitis

N s

flore;

Concilij Trid: antè Trident.

florescit extra in agro, & odorem
ejus sentit in vase vinum reclu-
sum, sicq; conflorescit etiam ip-
sum: ita intelligamus peccatorum
animas participare aliquâ bene-
ficiâ ab extrinseci immolatio-
ne, & gratificatione pro ipsis fa-
ctâ, sicut solus ordinat & præci-
pit, qui vivorum & mortuorum
potestatem gerit DEUS noster.

S. Cyrillus Hierosolymit. cathech.
s. Mystagog. Rogamus te nos om-
nes, & hoc offerim⁹ tibi Sacris-
ficium pro defunctis sanctis Pa-
tribus & Episcopis, denique pro
omnibus qui inter nos vitâ fun-
cti sunt, maximum esse credentes
animarum juvamen, pro quibus
offertur precatio sancti illius &
tremendi, quod in altari positum
est, Sacrificij. Quod postea ex-
plo Re

Articulus X.

pro Regis declarat & applicat.

S. Gregorius Nyssen: disput. d. anima & resurrit. Quemadmodum illi, qui auro materiam immixtam per ignem expurgant, non solum id quod adulterinum est, igne liquefaciunt, sed omnino necessarium est ut purum quoque una cum adulterino improbo atque corrupto liquefiat. Eodem modo plane necesse est, ut dum vitiositas purgatorio igne absumitur, anima quoque, quae cum vitiositate unita est, in igne sit, donec id, quod inspersum est, adulterinum materiale atque fucatum & corruptum, totum aboleat, igne consumptum. *Idem in Orat. de dormient.* frequenter mentionem facit purgatorij.

S. Epiphan. haeres. 78. Errorib.

N 6

Aërij

Concilij Trid: antè Trident.

Aërii hæretici adnumerat, quod viventium preces pro mortuis inutiles esse diceret. Et ait: necessariò facere (orare pro mortuis) illud Ecclesiam traditione à Patribus acceptâ. Potest verò quisquam maternâ sanctionem aut legem patris evertere?

S. Basilus in sua Liturg. Pro mortuis autè dicit: pro quiete & remissione animæ famuli tui N. in loco luminoso, unde au- fugit tristitia & gemitus, fac eum quiescere DEUS noster.

S. Ambrosius oravit & sacrificavit pro anima Valentiniani Imperatoris *Orat: de obitu ipsius.* Itè pro anima Imperat: Theodosij, *in Orat: funebr. de ipso.* Item pro fratre suo Satyro, *Orat: de obitu ipsius:* ita loquens: Tibi nunc omni-

Articulus X

omnipotens DEUS innoxiam com-
mendo animam., tibi hostiam.
meam offero, cape propitius ac
serenus fraternum munus, Sacrificium
Sacerdotis, &c. *Et pro omnibus
fidelibus defunctis, Oratione
primam preparatoria ad Missam.* Ro-
gamus etiam te sancte Pater, pro
spiritibus fidelium defunctorum,
ut sit illis salus aeterna, ac perpe-
tua sanitas, gaudium & refrigerium
sempiternum, hoc magnum pie-
tatis Sacramentum.

S. Hieronymus in cap. 7. Michae:
Post cruciatus atque supplicia es-
ducta de tenebris exterioribus a-
nima, & reddito novissimo qua-
drante, dicit: videbo justitiam
ejus, &c.

S. Chrysostom. homil. 61. in Ioann:
Si peccator, & qui saepe numero
DEUM

Concilij Trid. antè Trident:

DEUM offenderit, moritur, is de-
flendus est, vel potius minimè,
cùm nihil illi offerat utilitatis:
sed ea facienda, quæ ei aliquid
conferre possunt, eleëmofynas,
oblaciones.

Idem homil: 21. in Act. Non
frustra oblaciones pro defunctis
fiunt, non frustra preces, nõ fru-
stra eleëmofynæ. Hæc omnia
Spiritus disposuit, volens, ut nos
mutuò juvemus. vide enim, uti-
litatem accipiet ille per te, & tu
per illum. Contemptis opibus
inductus ad faciendum aliquid
generosum, & tu illi salutis, ipse
verò tibi eleëmofynæ factus est
autor. Ne dubita, quia erit ali-
quis fructus suavis. Non temerè
Diaconus clamat, pro his qui de-
functi sunt in Christo, & pro his
qui

Articulus X.

qui illorum memoriam faciunt.

Idem homil. 3. in Ep. ad Philipp.

Non frustra ab Apostolis sancitū est, ut in celebratione venerandorum mysteriorum, memoria eorum fiat, qui hinc discesserūt. Noverunt illis multum hinc esolumenti fieri, multum utilitatis. Stante siquidem universo populo manus in cœlo extēdente, cœtu item Sacerdotali, venerandōque posito Sacrificio, quomodo DEUM non placaremus pro istis orantes? Et paulò ante, Juvemus eos pro viribus, procuramus illis aliquid auxiliij. quomodo, quāve ratione? Precātes adhortemur & alios, ut pro illis orent, pauperibúsq; indefinenter pro illis eleēmosynas demus.

S. Augustin. l. 2. de Genes. contr.

Manē

Concilij Trid: antè Trident.

Manich. cap. 20. Qui fortè agrum non coluerit, & spinis eum opprimi permiserit, habet in hac vita maledictionem terræ suæ in omnibus operibus suis, & post hanc vitam habebit vel ignem purgationis, vel pœnam æternâ.

Idem lib. 20. de Civit. Dei cap. 9. Neque enim piorū animæ mortuorum separantur ab Ecclesia quia etiã nunc est Regnū Christi: aliqui nec ad altare DEI fieret eorum memoria in communicatione corporis Christi.

Idem Serm. 34. de verbis Apost. Orationibus sanctæ Ecclesiæ & Sacrificio salutari, & eleemosynis, quæ pro eorum spiritibus erogantur, non est dubitandum mortuos adjuvari, ut cūm eis misericordius agatur à Domino, quàm

Articulus X.

quàm eorum peccata meruerūt.
Hoc enim à Patribus traditum,
universa observat Ecclesia, ut pro
eis qui in corporis & sanguinis
CHRISTI communionē defuncti
sunt, cū ad ipsum Sacrificium
loco suo commemorantur, ore-
tur, ac pro illis quoque id offerri
commemoretur. Cū verò eo-
rum commendandorum causā,
opera misericordiæ celebrantur,
quis eis dubitet suffragari, pro
quibus orationes DEO non ina-
niter allegantur? &c. Vide quo-
que eundē ad *Psalms. 37.* ubi di-
ctum *S. Pauli 1. Cor. 3.* de purga-
torio explicat. Denique, ut a-
lia omnia omittam, oravit ipse
pro Monica matre sua *l. 9. Con-
fess. c. 13.* quod & ipsam petisse
annuit. Item pro Patre eod. cap.
quod

Concilij Trid: antè Trident.
quod potest videri toto illo ca-
pice.

Miss. S. Gregorij. Memento e-
tiam Domine famulorum tuorū,
qui nos præcesserunt cum signo
fidei, & dormiunt in somno pa-
cis. Iphis Domine, & omnibus
in Christo quiescentibus locum
refrigerij lucis & pacis, ut indul-
geas deprecamur, per eundem
Christum Dominum nostrum.

Articulus Undecimus.

Sanctos honorandos, & in-
vocandos esse.

Verba Concilij.

*Sanctos una cum CHRISTO re-
gnantes, venerandos atque invo-
candos esse.*

Litur.